

永樂大典

百三十六

卷一三九 夢字

卷一四〇 夢字

卷一四一 衆字

卷一四二 中字等

永樂大典卷之一萬三千一百三十九 一送

夢

夢乘龍上天

類林雜說黃帝少時夢乘龍上天。後即帝位也。羅泌路史陶唐紀帝始在唐。夢御龍以登雲天。

而有天下。東漢書馮異傳。異勸光武即帝位。光武乃詔異詣鄴。問四方動靜。異曰。三王反畔。更始敗亡。天下無主。宗廟之憂。在於大王。宜從衆議。上為社稷。下為百姓。光武曰。我昨夜夢乘赤龍上天。覺悟心中動悸。異因下席再拜賀曰。此天命發於精神。心中動悸。大王重慎之性也。異遂與請將定議上尊號。金樓子興王篇。漢世祖文叔嘗夢乘赤龍登天。上珠階玉闥。吳志孫休字子烈。封琅瑯王。居會稽。夢乘龍上天。顧不見尾。覺而異之。孫皓廢休自立。七年薨。孫皓悉誅其子。晉書郭瑀傳。主穆以瑀為太府左長史。軍師將軍。雖居元佐。而口詠黃老。冀功成世定。追伯成之蹤。穆感於說。間使西代索蝦。瑀諫曰。昔漢定天下。然後誅功臣。今事業未建。而誅之。立見麋鹿游於此庭矣。穆不從。瑀出城大哭。擊手謝城曰。吾不復見汝矣。還

而引被覆面。不與人言。不食七日。與疾而歸。旦夕祈死。夜夢乘青龍上天。至屋而止。龍飛在天。今止於屋。屋之為宇。尸下至也。龍飛在屋。吾其死也。古之君子。不卒內寢。況吾正士乎。遂還酒泉南山赤崖閣。飲氣而卒。宋書晉安王子勛於尋陽城南設壇即位。子勛語左右曰。昨夜夢乘龍上天。俛視不見其頭。衆咸失色。莫有對者。著作郎孫綬進曰。易稱見羣龍死。首吉祥也。衆乃大悅。太平御覽祖珽知齊太上有大志。深自結納。嘗啓昨夢大王乘龍上天。願深自愛。太上大喜。即位之後。擢拜中書侍郎。南史齊高帝紀。帝年十七時。嘗夢乘青龍上天。西行逐日。又帝與孫奉伯同室卧。奉伯夢帝乘龍上天。於下捉龍脚。不得及覺。敝夢因謂曰。兖州當大庇生靈。而帝不得與也。奉伯竟卒於宋世。舊唐書宣宗紀。宣宗微時。嘗夢乘龍昇天。言之於鄭太后。乃曰。此不宜人知。毋幸勿復言。宋史烈傳。趙汝愚嘗夢孝宗授以湯鼎。背負白龍升天。後翼寧宗以素服登大寶。蓋其驗。

夢乘龍

江寧縣志丁咸序。南唐時。應數舉。忽夜夢乘龍自地而起。顧見一駱駝隨之。私自喜。幸必登科第。復應又不捷。

尋歸宋。應十數上。凡踐場屋。迨三十餘年。嘗自思。以其夢為憑。至咸平三年。王公知貢舉。咸序上詩曰。常憶金陵應舉時。壯心頻欲挹丹枝。蹉跎三

十年中事。一度思量一淚垂。於是奏名。及殿試以第三甲放之。其亞之者則龍起。又亞之者又駱起。及觀榜方悟其夢。青瑣高議天聖年中。馬輔將御試。夢乘龍飛去。自推以為吉兆。是年殿下。次舉又過省中。久再夢乘一巨蛇而飛於空。其去甚疾。輔憂慮謂人曰。吾向夢跨龍。猶不利。今乘蛇。固可知也。洎晨廷唱第。先呼龍起。次呼蛇起。又呼馬輔。三人相連而不相間。異哉人之貴也。夢先兆於數年之前。

夢跨龍

臣名

見聞志。號國夫人。因生日進內膳。貴妃上殿。奏邀帝。帝往焉。貴妃欲躬起曰。妾昨夜夢與帝遊驪山。似至興元驛。方與帝對食。後宮亦告火發。倉卒與帝把手出驛。回望驛中高木數株俱為烈焰。左右奏緣仗不完矣。或有控二龍來者。陛下跨一龍。妾亦跨一龍。隱約西北去。陛下所跨白龍。介甲間有白光。侍從甚盛。其去若飛。妾所跨龍其色蒼黑。介甲間亦有黑氣。其行頗緩。左右從畧無人。西顧惟有一蓬頭黥面物。色視之不類人。前望陛下。去甚遠。欲逐陛下。因此所跨龍青面物。或急鞭龍數下。龍馳去。觸一危峯。龍蜿蜒墮地。妾亦沉煙霧中。開目則獨在一小室中。問向所青面物言曰。某此峯神也。妃子舍居于此。有一驛自外來曰。帝令授妃子封邑。手執青紙文一軸。字體若用朽木書。蒼暗不可識。惟後字可辨。云妾授益州

牧蠶先后仍百鎰。已而聞若有兵大呼，因急合戶。倏然覺來，滿身汗浹，不知此何祥也。顧帝告之。帝仰而沉思，俯而發嘆曰：「對酒且圖今日之樂，其事他日可知也。」又云：漁陽叛，帝駕西遊，至馬嵬，六軍不發，請殺貴妃。帝不得已，命殺于佛堂。果行，益州牧蠶之夢，蓋蠶能吐絲，而絲居繭旁，乃蠶字也。高力士曰：「向妃子嘗對陛下言其所得夢時，臣侍立，歷歷在耳。願陛下少解釋，以開愚情。」帝曰：「妃子之夢，今皆應矣。與朕遊驪山，驪與離同音。方食而後宮火起，亦失食之兆也。火乃兵士之氣也。回望驛中，木俱焚，驛與易同音。如其木於僂楊字也。俱焚滅身之災可知也。吾跨白龍西遊之象，彼跨黑龍幽暗之理也。獨行無左右之助也。龍墮煙霧，皆幽陰之處。獨居一室，乃古寺之應也。一騎者馬也。黥面物稱峯神，乃山鬼也。果死於馬鬼乎。益州養蠶，益傍加絲，乃繆字也。帝長吁曰：「託此夢者何神也。」一何顯然如此。

夢人跨龍

撫遺新說王桂英既遇王魁也。歲月既久，情好益篤。桂嘗語魁曰：「妾未遇君前，一夕得夢，夢有人跨一龍，繞高數丈，仰望跨龍者，狀貌甚大，跨龍者執一鞭，鞭絲拂地，傍觀者皆曰：『此神仙人也。』少頃，龍驤首欲上，我即執其鞭絲，陞未數丈，鞭絲中斷，而我墮地，仰望龍已不見，而微見其尾。忽然雷雨大作，望見一處有林木，

欲休於其下。至則有一人亦欲避雨。顧其木曰。此白楊木不可止。其人遂去。妾則竟避其下。雨勢甚急而妾獨不濡。不久睡覺。竟思恐非吉兆也。洎此日見君狀貌。乃夢中跨龍者也。乃自解曰。鞭斷而我墜。君當升騰而去。妾不得同處矣。妾不識白楊木何物也。常詢人皆曰。人塋墓間多有此木。吁。妾不久其死乎。雨澤潤萬物而我不濕。是知非善夢也。甦曰。夢何足遽信。但無慮。非久復相會。於是執手大慟。移刻甦上馬。桂祝之。得失早還。無負約也。

夢看龍

温州府志。僧擇仁。永嘉人。善畫松。一夕夢看四百條龍。自是臻於神妙。每醉揮墨。醒後乃補之。形狀

極於奇恠。嘗醉永嘉市。顧竹壁取拭盤盂。濡墨洒其上。未日少增修為。狂根枯株人伏其神。

夢吞龍

宋類苑。永嘉僧擇仁。

善畫松。其初遍求諸家畫松。采其所長而學。有善畫松身者。松皮者布枝柯者畫杈者根石者擇仁盡得其意。一夕夢吞數百條龍。自是遂臻於神

夢獲一龍

妙云。南唐書南唐主徐知誥。姓李。小字彭奴。唐室裔也。流寓濠泗。吳武王楊行密克濠州得之。異其狀貌。

養以為子。楊氏諸子不能容。行密以與徐溫。乃姓徐名知誥。溫嘗夢水中黃龍十數。溫獲一龍。而寤翌日得知誥。乃以為子。知誥奉溫以孝聞。

夢黃龍無數

釣磯立談義祖常夢臨大水。水中有黃龍無數。旁有一古丈夫冠服如三禮圖所畫節服氏之

形。荷一大戟而立。語藝祖曰。汝可隨意捉之。義祖袒身而入。捉得一龍而出。驚悸而覺。未幾掠得烈祖養以為子。

夢黃龍

蟠地

潮州府三陽志。道隆不知何許人。余襄公靖作永興華嚴院記云。潮之海陽人。俗姓黃氏。得心印於汝州璉禪師。至和初遊京

師。客景德寺。宋仁宗夢黃龍蟠地。明日召至便殿。問宗肯。隆奏對詳允。上悅。館于大相國寺燒香院。王公貴人爭願先見。未幾戶外屢滿矣。夢

白龍附肩

五代薛史。梁太祖帝紀。帝營于長蘆。一夕夢白龍附于兩肩。左右瞻顧可畏。恍然驚寤。

夢白

龍挾船

南史宋劉穆之傳。穆之初為琅邪府主簿。嘗夢與宋武帝汎海。遇大風。俯視船下。見一白龍挾船。既而至一山。山峯

聳秀。意甚悅。

夢黑龍盤座

武林紀事。魯公亮與一富家子俱赴春官。道經淮陽。同宿於娼館。娼於公極意

奉承。略不顧富家子。公曰。我貧士也。今反下顧小人。誤矣。娼笑曰。非汝所知也。我先一夕夢黑龍蟠屈座間。以一爪置水盆中。公適坐處。以手掬弄

盆中水正與夢應。故云公必貴耳。後公亮果及第。與淮陽與娼相持大喜。遂納為婦。

夢黑龍遶居

明王

清投轄錄范宏父鏗少年漂泊。嘗徒步過豫章村落中。日高未得食。至一山寺。有僧夢黑龍繞其居。既興。閑步出戶。有窮士淒然坐於三門。僧邀入解榻。推以食待之。且問其所向。宏父云。謀赴開封試。途窮不能前。奈何。僧傾囊以濟其行。其徒笑且排之。是歲首薦。明年登科。後以龍圖閣學士帥江西。其僧尚在。

夢黑龍蟠寺

夷堅志福州張聖者。本水西雙峯下居民。入山採薪。逢兩人對

奕于盤石上。與之生筭使食。張不能盡。遂謝去。即日棄家賣卜。未嘗呵錢布卦。而人禍福死生隨口輒應。自稱曰張鋤柄。紹興中。張魏公鎮閩。母翼夫人多以度牒付東禪寺。使擇其徒披剃。長老夢黑龍蟠踞寺外。旦而覘之。則張也。問之曰。欲為僧乎。曰。固所願。於是落髮而立名圖覺。嘗以雙拳納口中。每笑時。幾至於耳。素不識字。而時時賦詩。見交游間過舉必盡言諷勸。郡士林東有才無行。嘗批張頭曰。圖覺頭生角。張應聲曰。林東不過冬。及期東以罪編隸。後行游建安。放言忤轉運副使馬子約。純馬擒赴獄。桎梏箠掠。而肌膚無所傷。竟用造妖惑眾劾於朝。流梅州。久之復歸鄉。已

卯之冬。或問新歲狀元為誰。曰。在梁十兄家皆莫能曉。既乃溫陵梁丞相。魁天下。十兄者克字也。張所遇奕者。一巾一髮。聖者與之筭。蓋鍾離子云。

夢黑龍繞門

夷堅志。婿雲富人潘君。少貧。嘗貿易城中。天且暮。值大雨急。避止道傍人家。不能歸。因丐宿焉。

不知其娼居也。娼夜夢黑龍繞門左。旦起視之。正見潘卧簷下。心以為異。延入厚禮之。欲與之寢。潘自顧貧甚。力辭至再三。強之不可。一日醉以酒合焉。自是傾家貲濟之。不問其出入。潘籍以為商。所至大獲積財。踰數十百萬。因聘娼以歸。生子擢進士第。至郡守。其家至今為富室云。夢

驪龍見田

饒雙峯年譜。先生生之夕。父竹坡夢門之外。有驪龍見於田。

夢龍升天

洪邁夷堅志。羅春伯。撫州崇仁人。淳熙甲午。就館於邑人吳德秀家。受業者數輩。吳嘗夢館之西偏有物類狗。起於芭蕉叢中。已而兩角。鬣然奮身飛躍。歷舍東升于天。光彩粲然。照耀遠邇。遺鱗脫甲委墮滿地。方雷為龍也。覺而喜。徧以告人為誰祥應。比秋試。獨羅中選。其所居正在邑西也。後仕至佐樞庭。然未兩月終于位。

夢龍飛天

玉堂閑話。唐天祐年。河中進士楊玄同。老於名場。是歲頗亦彷徨。未

涯兆朕。宜祈吉夢以卜前途。是夕夢龍飛天。乃六足。及見榜乃名第六。則知固有前定矣。**夢龍戲日**東齋記事英宗

皇帝未生。濮安懿王夢二龍戲日傍。俄與日俱陞。以衣承之。大纔寸許。將納於佩囊。忽失所在。久乃見於雲中。一龍人言曰。我非汝所有。生之夕又

見黃龍數四出入。臥內豈不神異哉。**夢兩龍挺日圖**太平御覽河圖挺佐輔曰黃帝修德立義天下

大治。乃召天老而問焉。余夢見兩龍挺日圖。即帝以授余於河之都。覺味素喜。不知其理。敢問於子。天老曰。河出龍圖。雖出龜書。紀帝錄圖聖人所

紀姓號。興謀治平。然後鳳凰處之。今鳳凰以下。三百六十日矣。合之圖紀天其帝圖乎。黃帝乃祓齋七日。衣黃冠黃寬。駕黃龍之乘。戴蛟龍之旗。天

老五聖皆從以遊。河洛之間。求所夢見者之處弗得。至於翠嫗之淵。犬盧魚沂流而至。乃問天老曰。子見天中河流者乎。曰見之。願問五聖。皆曰莫

見。乃辭左右。獨與天老跪而迎之。五色畢具。天老以授黃帝。舒視之。名曰錄圖。**夢龍拏空**夷堅志政和末張魏公與

同舍二人。自漢州從鄉先生入京。赴省試。詣一廟求夢。禱罷皆寂。無所感。先生者年長於諸人三十許歲。甚怒曰。緣汝三小子無敬心。累我不得夢。

齋戒三日復往申禱。遂獨夢入殿庭。見大龍長百丈。天矯擎空。一人奮而登其背。傍立者語之曰。此張天師也。寤而甚喜。謗言於衆。有得色。魏公曰。既云姓張。安知此夢不為浚設。先生愠曰。汝之好盛。一至於此耶。是歲公擢第。後位極宰輔。終於少師。說者謂乃天子之師臣也。公之母舅夫人姪孫師孟。親聞公言。

夢金龍蟠床

江少虞類苑。李至陽當作亢。宮職其序。畧曰。予多疾。羸不

勝衣。庚寅歲冬。夕忽夢遊一道宮。金碧明煥。一巨殿。一寶床。歸然於中。一金龍盤踞于床之上。碧髯金鬣。光體天地。傍有道士轉眄若謂余曰。此亢宿之宮也。大象無停輪。宜速拜之。汝將事此龍。積疾亦消。予將拜。龍輒先拜。至道初。太宗立真宗為皇太子。命公與李沆相並為賓客。太宗戒真宗曰。二臣皆宿儒。重德不可輕待。吾選正人輔導汝。宗基國本。吾無慮矣。真宗恭稟皇訓。見必先拜。符亢宮之兆也。

夢龍罩

床

南史梁文宣既太后傳。太后本姓石。為武帝采女時在軍。夢龍罩其床。天監六年八月生元帝于後宮。是日大赦。拜為修容。賜姓阮氏。後

元帝即位。追崇為文宣太后。

夢龍蟠竈

撫州府臨川志。金谿縣西二里。禪居院僧。曰夢龍蟠于竈。覺而亟視之。

乃王禪師方醉寢齋
厨未幾示偈坐忘。

夢龍據腹

史記外戚世家漢王入織室見薄姬有色詔內後宮歲餘不得

幸。始姬少時與管夫人趙子兒相愛。約曰。先貴無相忘。已而管夫人趙子兒先幸漢王。漢王坐河南宮成。臯臺。此兩美人相與笑。薄姬初時約。漢王聞之。問其故。兩人俱以實告。漢王心慘然。憐薄姬。是日召而幸之。薄姬曰。昨暮夜夢。夢蒼龍據吾腹。高帝曰。此貴徵也。吾為女遂成之。一幸生男。是為代王。代王立十七年。高后崩。迎代王立為孝文皇帝。而太后改號曰皇太后。夢龍入懷。太平廣記漢董仲舒夢蛟

龍入懷。乃作春秋繁露。

夢兩龍枕膝

續晉陽秋李太后在會稽王宮。夢兩龍枕膝。月入懷。其後果以相

者之言見幸太宗。凡生烈宗。會稽王道子。及鄱陽公主焉。

夢龍飛而落

晉書佛圖澄傳。嘉平十四年三月。石

李龍夢龍飛西南自天而落。旦而問澄。澄曰。禍將至矣。宜父慈子孝。深以慎之。李龍引澄入東閣。與其后杜氏問訊之。澄曰。牕下有賊。不出十日。自浮圖以西。此殿以東。當有血流。慎勿東也。杜氏后曰。和尚老邪。何處有賊。澄即易語云。六情所受皆悉是賊。老自應老。但必者不昏即好耳。遂便寓

言不腹彰的。後二日宣果遣人害輅於佛寺中。
欲因李龍臨喪殺之。李龍以澄先滅故獲免。
夢龍降池中

元史吳澄傳。澄生前一夕。其隣媼復夢有物。
蜿蜒降其舍旁池中。旦以告於人而澄生。
夢龍據屋
南史齊武帝紀

帝生之夕。孝皇后。昭皇后。並夢龍據屋。故小字帝為龍兒。帝年十三。夢人
以筆畫身左右為兩翅。又著孔雀羽衣裳空中飛舉。體生毛髮長至足。有
人指上所踐地曰。
夢龍繞殿
南唐近事烈祖帝晝寢。夢一黃龍

周文王之曰也。
蜿蜒如故。上既寤。使視前殿。即齊王凭檻而立。傾上之安否。問其至止時刻。
及視向背。皆符所夢。上曰。天意人謀。信非偶爾。成吾家事。其惟此子乎。旬

月之間。遂正儲位。即元宗也。
夢龍徙居
紹熙儀真志六合縣西南有慈濟龍王廟。父老相傳池龍。一日忽見夢於

靈巖寺主僧。以為池旁居民多不潔。願徙居巖下。異聽法音。旦率眾西望
迎至果起雷雨。今山中立白龍祠。太平廣記隴州吳山縣。有一人乘白馬
夜行。凡一縣人皆夢之。語曰。吾欲移居。暫候爾牛。言訖即過。其夕數百家
牛及明皆披體汗流如水。於縣南山曲出一湫。方圓百餘步。里人以湫龍

因牛而遷謂之特牛湫也。

夢龍降室

漁隱叢話詩說雋永云。王咸平黼為校書郎。日嘗夢龍降其室。故韓子蒼作咸

平生日書云。昔年親擢校書郎。夜夢蒼龍繞屋梁。異事那知今日應。六龍深駐載虞堂。

夢龍踞堂

夷堅志黃君訥

字敏仲。邵武人。寓居臨川。淳熙十三年冬。入都赴省試。中奎會。暮到旅邸。行商走卒充滿其間。無可棲泊之地。黃謂主店者曰。昏暗如此。欲前進不得。苟不見容。訥將使我安之耶。主者不得辭。旋空一室與之。處室距主翁家不遠。翁夜夢黃龍從外至。以爪抉門入。蟠踞中堂。光焰赫奕。驚而寤。疑必有貴客在邸。未黎明。起訪焉。歷視十數客。皆不足當。獨黃君為士子。意其兆應是也。又問知姓黃。益自信。戒僕俟盥櫛畢。具茶湯詣之。為話宵夢。乞誌之于壁。黃固心喜。然亦不敢率而拒卻。翁退復遣二兒來。皆儒衣冠度。不可已。絕書數語而去。暨來春揭榜。則遭黜。或人云。龍雖貴證。尚爾沈鬱。蓋未即日騰翹飛天也。黃失意。留連舍於張定叟侍郎之館。時有南舉先生者。道命術多中。往扣之。卦成。南曰。好命。只是事事遲。更三年後却做官。但有一慮。尊府君恐有不測。宜急歸。是時黃老父在家。適得信報其抱疾。聞南語。瞿瞿不自安。即日西還。至仲冬。父果卒。黃當免舉。可應庚戌試。

而正月在禪制中計無由可會。有旨以首春雪寒。恐遠方布衣來者。懇期特展鑾院半月。於是兼程而往。於大院期已不及。鄉人為委曲作道地。以門客避嫌。試別所。遂登科。黃龍之祥。未知驗於何日也。

夢龍入井

文苑英華劉琬朱氏夢龍解一作辨吳郡朱氏

言昔之夜夢龍入井。客之好誕者作佳占以祥。朱氏曰。予未嘗識周公孔子者也。然而使予得夢一丈夫冠衣之吉者。因謂之周公孔子。人必知其自欺也。未嘗識越。不知越之城郭宮室。庭巷。苟或夢之。未可自知其何城也。然則朱氏之所夢入井者。朱氏安知其龍乎。豈非常見畫者。屈其脊擊其爪。施甲鬣雲氣於身。則似乎其所入井者耶。是朱氏之夢畫者也。殆非夢龍矣。自夏后以來。人不見龍。然而言龍者信其畫而已。漢魏之數。見者見其畫者也。薄姬之娠者亦畫者也。時門之鬪者亦畫者也。史皆謂之龍。且明史之妄。况朱氏之學妄哉。夫龍不輕出。又不可藝乎。婦人有德不鬪。故知皆非龍也。嗚呼。龍以變化為德也。或者謂如所畫亦可謂之龍也。則朱氏所夢。當何龍乎。

夢龍感孕

北史

齊武明皇后婁氏。凡孕六男二女。皆感夢。孕文襄則夢一斷龍。孕文宣則夢大龍首尾屬天地。張口動目。勢壯驚人。孕孝昭則夢蠕龍於地。孕武成。

則夢龍浴於海。孕魏二后。並夢月入懷。孕襄成。博陵二王。夢鼠入衣下。**夢龍無尾**南史陶弘景傳。初弘景母夢青

龍無尾。自地升天。**夢龍出腋下**維揚志。宋泰始七年。荀伯玉夢太祖乘船在廣陵北渚。見

弘景果不娶無子。上兩腋下。有翅不舒。伯玉問何當舒。上曰。却後三年。伯玉夢中自謂是

呪師。向上唾呪之。凡六呪。有六龍出兩腋下。翅皆垂還而復歛。元徽二年。而太祖破桂楊。威名大震。五年而廢蒼梧。

太祖謂伯玉曰。卿時乘之夢。今且效矣。**夢龍出身中**青鑽高議

隋煬帝生。帝母夢龍出身中。飛高十餘里墮地。**夢龍出額下**宋史世家。初張文表將攻長沙。猶豫未決。有小

校夢文表龍出額下。明日以告文表。喜曰。天命也。及敗。梟首於朝市。**夢龍嚙符**百川學海。龍城縣上皇初登極。夢二

龍嚙符。自紅霧中來。上大隸姚崇。宋璟四。字掛之。兩大樹上。蜿蜒而去。夢起。上召申王圓兆。王進曰。兩木相也。二人名為天遣。龍致於樹。即姚崇宋璟當為輔相兆矣。上歎異之。**夢龍食蒿苣**周輝清波雜志。五代時。有僧某卓庵道邊。藝蔬丐錢。一日晝寢。

夢一金色黃龍食所藝萬莖數畦。僧宿驚。且曰。必有異人至。已而見一偉丈夫於所夢之所。取萬莖食之。僧視其狀貌凜然。遂攝衣延之。餽食甚勤。頃刻告去。僧囑之曰。富貴無相忘。因以所夢告之。且曰。公他日得志。願為老僧只於此地建一大寺。偉丈夫乃藝祖也。既即位。求其僧尚存。遂命建寺。賜名普安。都人稱為道者院。則壽皇聖帝王封之名以兆於此。

夢龍求經

孫公談圃。荆公為江西漕。夢小龍呼

相公求史注維摩經十卷。久而忘之。後至友人家。見佛堂中有是經。因錄而送廟。及在相府。夢小龍來謝。

夢龍吐碁

經

碁經王積夢青龍吐碁經九部授几。其藝頗精。

夢斬涇河龍

西遊記長安城西。南上有一條河。喚

作涇河。貞觀十三年。河邊有兩箇漁翁。一箇喚張梢。一箇喚李定。張梢與李定。道長安西門裏有箇卦鋪。喚神言山人。我每日與那先生。鯉魚一尾。他便指教下網方位。依隨着百下百着。李定曰。我來日也問先生。則箇這二人正說之間。怎想水裏有箇巡水夜叉。聽得二人所言。我報與龍王去。龍王正喚做涇河龍。此時正在水晶宮正面而坐。忽然夜叉來到。言曰。岸邊有二人。却是漁翁。說西門裏有一賣卦先生。能知河中之事。若依着他